

影印
文淵閣

四庫全書

影印

文淵閣四庫全書

第一四四〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

御選宋金元明四朝詩（四）
御選元詩

清 張豫章等奉敕編……………一

欽定四庫全書

集部
御選元詩卷十三

詳校官中書臣吳瓌

主事銜臣徐以坤覆勘

總校官知縣臣楊懋珩

校對官中書臣高中

謄錄監生臣顧重光

欽定四庫全書

御選元詩卷十三

五言古詩一

耶律楚材

過濟源和香山居士韻

覃懷勝遊地濟瀆垂名久忽見樂天吟笑我輸先手
詞金玉振老筆風雷走衆興試續貂啓我談天口平湖
湧泉注清涼瑩無垢憑檻瞰連漪風驛塵抖擻龍孫十

欽定四庫全書

御選元詩
卷十三

萬竿翦翳濃陰厚沁水濟源東天壇王屋右秀色已可
餐何須杜康酒步步總堪詩佳篇如素有賡酬淡相對
獨有龍岡叟亭上幾徘徊斜陽西入酉晚年歸意切對
此空沈首何日遂初心營居碧林後

郝經

雁媒

雲衢眇飛鴻往來解隨陽序當夜有所次進朝有行瀚
海天山西卯育歲為常八月秋風高雖離共南翔水國

足汀洲江湖多稻梁晚霽帶殘蘆老岸青草長哀鳴洞
庭月亂點滿湘霜太和開冰天北去顏穹蒼信禽法天
運斷不為炎涼偶為篝燈誤縛足離江鄉飲啄養為媒
朋儔總相忘嗷嗷解愁人乃反無愁腸弋人見冥鴻矰
繳潛施張置媒使號呼投網來搶攘奄忽一舉盡羽毛
皆摧戕厭然束縛去又向雲間望嗟嗟閭民徒詭計不
可防被獲反為用竭力如鬼俚有信復無智終自為身
殃誤已更誤人不悟真可傷

欽定四庫全書

御選元詩
卷十三

遊靈巖寺并序

乙卯秋九月十九日登泰山二十二日下太平頂
遂遊靈巖寺

岱宗西北馳倒卷碧玉環嶽靈秘雄麗勢欲藏三山初
從谷口入兩崦爭孱顏漸疑下地底細路深屈盤仰視
覺天窄石井攢峰巒陸海沙劫開突兀仁王壇桐鯨吼
西風棟宇橫高寒石龍噴清泉灑落几案間脩竹埽山
色瑩綠穿雲根丹鳳飢不來寂莫青琅玕上方在天上

下視無塵寰空霏鎖霜樹翠錦蒙朱殿西日回清輝輕
金滿煙鬟何時脫世網挂席高盤桓靜境求初心滯慮
驅萬端向晚蒼煙合更欲窮躋攀路斷不得前矯首重
一看

贈青社諸公

北風吹海氛雄鯨偃脩鱗皇皇擇木鳥落日將安之清
霜摧豐林枯沙沒卑枝况復天地閑豈汝飛騰時嗷嗷
復嗷嗷途窮愈多岐寸心增鬱陶拊髀潛生悲蒼茫欲
問津謾使行人嗤賴有魯連子亦在東海湄舉手謝浮
世共欲尋安期扶搖三山顛笑傲雲濤低半夜開扶桑
弄日騰清輝伊昔孔尼父亦欲居九夷世網儻可逃去
去夫何疑

渡江書所見并序

已未秋奉命宣撫江淮自鄧南入新野蹈宋北鄙
渡泌河及湖陽入於春陵陂塘聯絡畎澮縈屬邨
墟翁翳荒空不可行佳木修竹奇花異卉櫛比林

欽定四庫全書

御選元詩
卷十三

莽間怵然有感於中而取野蓮荒竹秋桐野菊四
者姑以寓感焉

野蓮

陂塘渺煙蕪秋波淡浮空蒹葭雜芙蓉依稀見愁紅輕
鎖露華涼亭亭倚西風金粉亦自香霞腴為誰容無言
恨最深失偶情更濃搖搖似相招為喜詩人逢翻思彼
桃李反在羅綺中復憶巖下蘭綠葉翳荒叢西子出亭
蘿原思老蒿蓬萬物在生處莫謾仇天公

欽定四庫全書

御選元詩
卷十三

荒竹

荒竹遶廢宅高下隨女蘿新梢入林莽迸葉揚條柯玉
骨清且癯埋沒還奄阿病綠煙慘悽枯黃雨滂沱劍斷
戟復折壯士空悲歌伊昔主家安森森氣相摩籜龍起
雲雷平地煙霄過幽香澹庭除靜陰延綺羅一自兵塵
生人去斤斧多寂寞秋不實飢鳳將奈何

秋桐

高秋江漢波卉木入搖落荒林擁孤桐蔓草重繞縛淒

迷氣日喪憔悴若隕籜黃彫晚風吹青裂飢鳥啄無時
亦無傷幢幢老陰薄儀鳳安所棲宮樹空寂寞謂汝無
自傷植根亦嬌弱豈能持風寒况乃失所託何時此焉
居揚鋤翦荒惡攜幼扳庭柯遂我生聚樂

野菊

乾坤入消數萬物呈晚節秋晏菊始華荒叢翳林樾野
迴幽姿清岡斷寒豔接絲蟲胃青苞啼螢抱枯葉凜露
積玉華層層擁金屑我欲摘以杯飲之濯中熱霜栽郁
高標胡與荒穢列嗟爾夷惠儔玉質難變滅不謂無人
看便使幽香歇安得老瓦盆生對澆古月

欽定四庫全書

御選元詩
卷十三

橄欖

南人謂
之格覽

南果足韻勝北人罕為奇銀盤獻青子愛玩驚見之蓮
房飽出螭棗滑生下枝翠粉苔埤新清烈凝松脂齒牙
噴艱澀苦硬不可持氣韻久始來靈根淪天池灑然凌
清飈甘露濡仙芝有如宿瘤妻苦節真可期亦如相韓
休朕瘠天下肥危辭遽逆耳終自為良規先難阻欲速

後得卒莫違默然心語口此樂夫誰知始覺衆果俗橘
奴復梨兒海嶺瘴天黑異味翻茶飴雨露存天真颺霧
不可滋島嶼出乳泉造化亦若茲元氣舌本甜酸苦歸
涕洟本來甘受和衆味相假移居然復其源偽妄焉能
欺何當謝世網兀坐忘奔追深山石室空煮石療調飢
破鼎煎春芽嚼此吟湘纍脩然沃肺肝看山坐支頤物
表有真味載歌采薇詩

秋思四首 錄二首

欽定四庫全書

御選元詩
卷十三

六

木葉墮積水西風白雁來祇應破月底曾過黃金臺昔
年弔荆卿臺邊把酒盃落日督亢陂莽蒼秋雲開浩歌
易水寒晚山青崔嵬誰知坐江館兩見飛鴻回空庭日
徙倚慘淡生莓苔援溺先墮井計拙良可哀
昔遊東諸侯秋晚登泰山佇立太平頂超然出塵寰日
觀望吳越浩渺秋雲間長風漾江海天未生微瀾今年
坐舍館江聲滿重關却如在幽陵修阻不得看好花靜
有色相對婉且閒無由寫哀怨日遶歌幽蘭

儀真館後園海棠兩花於秋因為小酌賦詩

二年海棠秋幽妍對寒索霜後輒栽花枯株吐纖弱化
工為詩人故令造物錯木落出奇芬風度亦不惡尖黃
簇短葉膩翠光欲燦蹙縮包紅粟殷濃入深萼稀疏生
意怯靜麗尤綽約飛絲罥青蟲蠨蛸共聯絡深閨養春
嬌霜華滿珠箔賴得西風輕微薰小陰作盈盈出宮妝
新寒翠綃薄空庭自顏色含恨誰附著息亡楚無言意
婉心不樂琵琶怨昭陽所遇非所託獨有未歸人相看

欽定四庫全書

御選元詩
卷十三

七

甲子歲後園秋色四首

雞冠

夷則播新律卉木協秋候綰結流火餘的皪金天宿莪
莪列庭除摘摘儼雄秀炎帝朝火官絳幘軒宇宙植立
竟不拜離披擁青袖奕葉初類莧吐心漸如豆脈絡引

絲起一片珊瑚瘦雲芝出紅腴紫茵卷翠脰碎顆感丹
砂肉綻殷血透怒割赤龍耳勁磔還亂揉麻葉薄且聳
山字缺乃覆查牙欲成角擁腫下連味生全餘小穗展
盡帶殘皺昂藏偃膺高突兀出羣驟還將早霞映欲向
朝日雖月露終夜棲風雨幾回關再厲復自止交退誰
與救區區閒草花象物與接構弭兵日觀戰亦是自貽
咎垂簾且相忘高枕卧清晝

牽牛

欽定四庫全書

御選元詩
卷十三

野花照天星星中花亦盛長夏蔓草深疎籬掩斜徑幽
庭日無事森寂澹相映繚繞絲亂垂點綴葉相並金風
一披拂零落光彩競參差碧玉簪綰插滑欲迸霜絲吐
冰同容色好娟淨堂陰青錦張牆背紫苔瑩時方鵲橋
成佳節當秋孟織女能翦裁天河洗尤稱女以秋為期
郎將花作證風雨開雲屏鸞鳳鏘月鏡處處乞巧筵家
家喜相慶五年江館客萬事成墮甌不能致龍節空自
悲虎穿永日慶炎蒸中暑甘卧病對花淚盈目坐起不

覺暝雲漢見雙星回頭看斗柄遙憐小兒女昏嫁俱未
竟中流虞風波相見何日更

葡萄

深院荒草長短蔓裂塼縫葡萄本西果南國誰與種插
蘆為扶持灌溉甚珍重瘦骨紫節舒龍頭青線控蠅螭
上疎籬青青將遠縱遭遇雖後時取實望秋仲摘露添
俎豆庶閒館人供誰知六月旱卉木焦死衆斷秧餘幾
花強勉著土擁竟作纏結枯日遠空悼痛肺渴口重乾

欽定四庫全書

御選元詩
卷十三

望梅心欲烘忽憶河隴秋滿地無歇空支離半空架串
草十里洞拇乳積成岸瀕瀾接梁棟一派瑪瑙漿傾注
百千竈往歲見沙陀回鶻正來貢詔賜琥珀心雪盛瓶
盡凍查牙飲流漸氣壓黑馬潼一旦離魏闕五載猶在
宋見此復何時鳥道目逆送

野薺

窗池蓮蒲短久旱餘淺淤牆隈積餘埃玉鳳秋不翫野
薺根莖堅幸得侵沮洳節葉瘦且赤蘼蕪交翠著細蕊

亦鮮潔粉米糲丹素獨宰裊輕穗離披滴清露水花澹
晚色幽宵足真趣忽憶過夢澤千里渺煙樹蘆花與蓼
花露錦蕩雪絮深入芙蓉葦葦遠映葦葦渡舉鞭問飛鴻
駐馬嚼佳句乃今四壁中浩渺隔煙霧日斜對幽叢聊
以慰遲暮大似辛苦蟲無復風標驚來因援沈溺底事
極幽錮屢上剗腸書無地滌血訴嗟嗟好花草焉用生
此處祇因為詩人故故獨不去嘗膽如啖蔗食蓼猶饒
御仰首但有天志節久愈著

欽定四庫全書

御選元詩
卷十三

十

幽思六首

江山鬱幽思靜止有天光宛然寒薄帷明月照我牀
蟋蟀鳴孤根鴻雁頽飛霜愁愁動羈束耿耿發清狂有萬
來無端百折縈回腸晤言且伏枕一寐成兩忘
鸞鳳翥丹霜尺鷃搶枯株知止各翱翔卑高一何殊精
衡苦填海冤憤一何愚鴈鳩不為巢亦自有所居偉哉
衡門士高卧一束書曲肱有餘樂不用長者車

濯纓厭世塵入海求夜光貝闕涵珠宮異色森綺芒采

采滿懷袖駕龍登扶桑赤鳥驚上天火曜舒乾陽回視
乃瓦礫自媿空莽忙書生莫謾愚敝帚安足藏

有物莫不由萬古長安道區區往來者總向塵中老年
年雨灑清日日風驅埽行人竟無迹涸轍生秋草我欲
謝帝閣離居事幽討束載無良辰幾回問蒼昊

藏舟泰山巔偶值懷襄流忽從歸墟東直向西海頭洗
日復濯月光抱空中樓扶踈散青紅異氣纏九州忽焉
閣塞沙竹立令人愁明朝早潮來欲往不得留

欽定四庫全書

御選元詩
卷十三

十一

景晏念慮歇支頤坐看山起來復何為結佩紉幽蘭萬
事從悠悠不媿俯仰間舉杯謝塵世月落梅花殘深江
總風波天澹孤鳥閒氣數當閑塞我亦方閑闌

劉祁

古意二首

庭前有桂樹綠葉尚離披秋風動地起飄落將安歸高
飛入青雲下飛入汙泥貴賤既偶爾孰為喜與悲

秋江有芙蓉顏色好鮮潔寒棠欲采折水深不可涉嚴

風下飛霜芳豔空凋歇悵望一長歎臨川無桂楫

送雷伯威

朔風起天末落木鳴空山
冰霜正凝沍遊子百里還
出郭送將別徘徊上高原
如何睽離情對此芳歲闌
壯士志四方不須涕洟瀾
人生非山海會面亦不難
願子崇明德餘功振文翰
長因東南鴻惠我金玉言

姚樞

聰仲晦古意二十一首愛而和之仍次其韻

錄十

欽定四庫全書

御選元詩
卷十三

三

首

聖聖繼天極授受惟一中
宣尼集大成玉振條理終
盡性無思勉中道何從容
乾坤有全德尚資參贊功
韋編日三絕孳孳何所嗜
人道合天心天人本無二
盈虛消息幾進退存亡事
何當擬虛玄百世老輔嗣
觀人莫觀貌相馬不相肉
羣經無釋辭熟讀意自足
易道微九師春秋散公穀
古今有成言此論非余獨

高明懸萬象經緯成縱橫
君子動靜機一以蹤天行
後

來英偉士槩舉名書生
胡為事無用篆刻風物情

任重不易勝無為
鼎折足小利害成事不達緣欲速
閉戶豈遺世入仕非干祿
出處貴適時違時招自辱
夷齊顧名節不食餓首陽
尚父應天討奮時清渭傍
心跡異天壤日月同輝光
道義有如此人惟重行藏
志士慕功業富貴鴻毛輕
仁人懷道義不為功業縈
富貴詎可求功業從自生
狂狷奚所取無由見中行

有士氣凌雲孤松挺高節
壯懷入酣歌歌長擊壺缺
鬢

欽定四庫全書

御選元詩
卷十三

三

髮日以秋肝腸老於鐵
從知養浩然此意潛消歇
拔茅連其茹激濁揚其清
雲山興大厦諒非一木成
疑巖萬斛舟水積舟乃行
羣材惟柱石國勢何用傾
天道有定常推行無少忒
人心復何為遷變莫能測
古人貴全交所貴在恒德
黃金百煉餘不改當時色

許衡

遊黃華

我生愛林泉俗事常鞅掌
十年苦煩劇一念愈傾仰
峰

巒看畫圖雲煙入想像久成心上癖欲忍不可強荷有
敬齋公恒以善相長攜我遊黃華一洗塵慮爽行行歎
奇絕舉目皆勝賞鏡臺聲百嶽瀑布落千丈石苔積重
痕溪風動幽響使我躁競息使我心志廣恍如夢中身
翱翔千古上回首聲利場誰能脫塵網我老得仁心動
作皆可像還家擬鄰居求田冀接壤便許樸鈍質於此
靜中養

送竇清淑

欽定四庫全書

御選元詩
卷十三

十四

初來識君面此行見君心匡時有長策慮遠憂且深俗
情取近效雅意入幽沈人生貴所依所依貴知音知音
得長布身將比黃金我本貧賤士多思妾相尋未得辦
一飯胡為遽分襟征鴻出遠塞西風動疎林去去渺萬
里何年酒同斟含情望無極白雲障孤岑

別西山二首

大山如蹲龍小山如踞虎煙嵐鬱蒼翠遠近互吞吐我
來蘇門居遨遊成樂土策杖望朝雲捲簾看暮雨佳意

豁塵腥勝槩入談塵使我鬱陶消使我勞瘵愈生平鄙
吝心一洗出千古回首聲名人何殊坐困園遠役非素
懷况有跋涉苦吟鞭裊春風遲遲如去魯芳菲二三月
追遊盛梅塢歸來願無違一觴相對舉

我愛林慮山不處要路津茲焉幾千古絕彼朝市塵我
來成素交澹澹日益親形骸兩相忘誰主復誰賓充然
樂我飢怡然棲我神朝光連暮色佳意含餘春心境一
融會世味殊未真奕奕草木光熙熙禽鳥馴衆物欣有

欽定四庫全書

御選元詩
卷十三

十五

託吾廬行亦新詩書誅而歸况有耆德鄰

王磐

遊黃華山

林慮著太行峰巒一都會晴嵐照郭郭朝日炫金翠盤
盤黃華山高秀衆峰內萬仞青芙蓉屹立見根蒂有泉
不知源滂沛落雲際初疑玉虹垂兼訝銀河潰翻翻雪
練飛洶洶風雷沸前年會一遊披覽恨未細今茲重經
過適與佳客萃坐分石上苔行並林間轡緬懷雪溪老

遠出遼海外飛聲入中華遂占此山麗吾家墨竈峰卑
小衆所易婆娑百本松龍蛇葢清閔煙雨一窗書作我
幽棲地會看此名山永無黃華配江山無大小玩賞因
人貴嗟我復何人題詩聊自戲

嶼峪山

昨日遊黃華抵暮方言還今晨到嶼峪驅馬五松邊未
移金門日還指元康煙山中富清境不暇相周旋大似
山陰客望門却迴船空懷上方寺矯首浮雲顛瀑布落
欽定四庫全書
御選元詩
卷十三
六

劉因

韓魏公祠

定州古北門作鎮多英奇如何郡學傍獨有韓公碑乾
坤極厚大運物物不知堂堂宋三朝幹旋公似之惟公
元黜問泰山已四維天宇公之祠元氣非公誰郡人一
何愚而於公欲私大者且勿論緒餘猶世師千年閱古

堂誰歌鄭國詩

公閱古堂
富公有詩

裴回老柏前目送秋鶴飛悠

悠五色雲悵望今何歸

仙臺

碣石來海際西南奄全燕中有學仙臺燕平欲昇天燕
平骨已朽遺臺猶相傳雖復生青松歲久摧為煙極目
望海波不見三山巔三山巨鼇簪山人蟻蝨然使無不
足論信有亦可憐大塊如洪鑪金石能久堅天地會有
盡何物為神仙空山無笙鶴落日下飢鳶今古非一臺
浩歎秋風前

欽定四庫全書

御選元詩
卷十三

十七

黃金臺

燕山不改色易水無新聲誰知數尺臺中有萬古情區
區後世人猶愛黃金名黃金亦何物能為賢重輕德輝
照九仞鳳鳥才一鳴伊誰腐鼠棄坐見飢鳶爭周道日
東漸二老皆西行養民以致賢王業自此成黃金與山
平不救兵縱橫落日下荒臺山水有餘清

張燕公讀書堂

陰壁下寒泉陽崖隱深洞想像張幽州當年此絃誦遐

情納方寸灝露驚宵夢既有真積功豈無致時用不然
起絕學猶當垂後統濟濟唐開元儒臣相伯仲文雖數
燕許名不並姚宋遂令百世下煙霞抱餘痛尋幽縱步
貪懷古清歌送緬思白鹿翁眼中見連棟茲山有道氣
會遇或天縱聊以永今朝白雲不可種

龍潭

盤磴脫交陰平壇得高岑高岑不可攀哀湍激幽音窮
源豈不得爽氣來駸駸靈潤發山骨沮洳下崖陰為問
欽定四庫全書
御選元詩
卷十三
十八
石上苔妙理誰曾尋乾坤有乾溢此水無古今下有靈
物棲倒影毛髮森東州旱連歲呼龍動雲林顧此百丈
潭豈無三日霖為霖此雖能鞭策由天心日暮碧雲合
空山深復深

經古城

我行常山尾高城下吾前按轡覽形勢依依見全燕易
水開前襟飛狐連右肩遙想豪傑場撫已增慨然薪人
過我傍一笑如相憐指城前問余考古今幾年沈思未

及荅行歌入蒼煙

孤雲

孤雲生幾時冉冉何所適豈無崑華高路遠嗟獨力排
徊天中央明月為顏色下有幽棲士歲晏倚青壁朝飲
澗下泉暮拂松間石相對澹忘情倒影寒潭碧

遊天城

逕遠澗隨曲崖深山漸少居然翠一城四壁立如埽天
設限仙凡雲生失昏曉平生萬事嬾登臨即輕矯山靈
欽定四庫全書
御選元詩
卷十三
十九
知信息風煙久傾倒顧瞻困能仰泛應習稱好端居得
蕭寂遠眺礙孤峭乃知方寸間別有萬物表未須凌絕
頂胷次青已了

遊源泉

叢祠鬱蒼翠萬古藏清幽冷然石上足不逐蒼波流長
風索我御欲舉仍遲留白雲何山來相對亦悠悠

玉溪精廬

居然山四顧危檻俯晴春川氣生不極翠潤流衣巾林

陰起薄暮酒色生微醺歌聲忽落谷驚歸欲飛雲

隱仙谷

山川含太古風氣如未開中有幽棲人日暮斷蒼苔吾
胃素義皇人世不可諧此地復何地恍若登春臺山扃
掩對峙石逕迷縈回桑麻連水竹屋宇依山崖燕南避
世謠千古知我懷橫渠百世師一區竟相乖知音得元

老龍門有遺齋

伊川先生上文潞公求龍門卷地書略曰勝善上方舊址荒廢為無用之地欲

得其幽居其上為避暑著書之所唐王龜勣書堂於西谷松齋之名傳之至今禁雖不才亦能為龍門添勝迹

欽定四庫全書

御選元詩
卷十三

於後代為門下之美事賤子孤旅人念此良悠哉於世豈有望居

山亦無媒舉杯對山靈欲去仍徘徊他年要勝跡此駕
當招來

遊雲水菴

乘春奮幽潛觀化登丘山哀淙聞遠壑息駕思雲關壑
石密松桂結屋珍茅管生煙紛漠漠激流散潺潺山石
浮霽色澗木榮歡顏覽物有真意撫節驚循環悠然千
載情儼若盤石間眷焉欲晤語古人何當還

泛舟西溪

萬山倒滄浪一葉凌嵯峨嵯峨為飛舞翠影如娑娑輕
陰散雨足淨綠生圓波人間碧海幻老眼青銅磨風雲
幾千古辨此雨一蓑溪南有幽人鼓櫂前山阿煙深渺
無處月色浮松蘿

玉簪

堂陰秋氣集幽花獨清新臨風玉一簪含情待何人含
情不自展未展情更真徘徊明月光泛泛如相親因之

欽定四庫全書

御選元詩
卷十三

欲有託風鬟渺冰輪

和陶

和飲酒

錄四首

凝冰得火力鬱鬱陽春姿寧減不肯寒陽火如松枝詩
家有醇醪釀此松中奇一飲盡千山枯株彼何為所以
東坡翁偃蹇不可羈
士窮失常業治生誰有道身閒心自勞齒壯髮先老客
從東方來溫言慰枯槁生事仰小園分我瓜菜好指授

種藝方如獲連城寶他年買溪田共住青林表

吾宗幾中表訪我時一致自吾居此菴才得同兩醉逆數百年間相會能幾次每會不盡歡親情安足貴所歡在親情杯水亦多味

器飲代窪尊巢居化安宅凡今佚樂恩孰非聖神迹况彼耕戰徒勤力有千百乞我一身閒坐看山雲白內省吾何功停觴時自惜

和詠貧士

欽定四庫全書

御選元詩
卷十三

三

陶翁本強族田園猶可作我惟一畝宅貯此明月輝翁

復隱於酒世外冥鴻飛我性如延年與衆不同歸孤危

正自念誰復慮寒飢努力歲云暮勿取賢者悲獨正者危至方

則微爾實慨然中言而發達衆速尤迂風先
誠此淵明規顏延年語也見延年誄公文

四皓二首

智脫暴秦網義動英主顏頰眉不得見猶思見南山每當西去鴻目極天際還馬遷歌采薇託名夷齊間孰謂紫芝曲能形此心閒鄙哉山林槁搏也或可班安得六

黃鵠五老相追攀一笑三千古浩蕩觀人寰

留侯在漢庭四老在南山不知高祖意但欲太子安一讀鴻鵠歌令人心膽寒高飛橫四海北雞生羽翰孺子誠可教從容濟時艱平生無遺策此舉良可歎出處今誤我惜哉不早還何必赤松子商洛非人間

吳山夜雪圖

江南無寒歲一雪今幾時吳山豈無春畫此寒巖姿壯

哉萬里流不廢東南馳胸中設長風俛仰今古非誰能

欽定四庫全書

御選元詩
卷十三

三

唱小海為和大江詞

月下獨酌

佳月靜可飲一天明水寒餘光泛不極徘徊尊俎間但

覺涼露下不知清夜闌醉眠吾有興君當下西山

書堂谷晏坐

上負青天壁下引碧澗滋中有晏坐石日夕忘吾歸永懷幽棲人千載誰與期人間九瀛海莽蒼天相圍黃塵重如霧舉手不欲揮白雲如可招願作雙鶴飛

九日登洪崖

有道士居此今二十年不睡矣

卑居不見秋登高自誰始清狂未免俗謹屢亦復爾山
光故相迎百步翠可倚屈指數勝遊茲山居食指高絕
讓龍門平敞亦專美羣山渺波鱗天開見洪水列岳具
情塵遐瞰小千里却恐行路人視予旋磨蠡解衣林表
坐爛摘蒲萄紫甘漿來逡巡毛骨脫泥滓勝境得真賞
泉石迴如洗况有幽棲人嗒然空隱几相對已忘言一
笑雲林喜回首暮煙深高歌望吾子

欽定四庫全書

御選元詩

卷十三

五

遊龍宮

翠澗如生煙石瀨欲無雪縱目失平地仰面猶清樾時
節未當春生意方謀泄隨時久閉藏與物今超越茲遊
豈人力勝境殆天設拊石看棲龍髣髴仇池穴聞說如
桃源自古有深絕振衣徑欲往不見當年轍獨立御長
風哀歌山石裂

九日攜諸生登西山

九日秋服成童冠從我遊萬古清沂春重結西山秋白

雲歸青岑狂瀾落滄洲永嘯長風來爽籟生巖幽清商
失搖落生氣浮林丘門生顧我言樂矣行歸休風袂尚
飄然此意浩難收

重遊北溪分韻得暉字

蒼黃淡野色草樹含清暉林居隱葱蒨晴嵐散霏微歸
雲有真意鳴禽發天機勝處必深會輕觴豈虛揮山泉
來何從北望空依依

劉宣

欽定四庫全書

御選元詩

卷十三

五

飛翼亭

朝挹東山雲暮看西山雨孤亭在中央相對如賓主矯
矯臥龍蟠軒軒飛鳳舞樹影各參差嵐光互吞吐吁嗟
吳越亡於今已千古不悟扶目忠詎知嘗膽苦登臨撫
陳迹淒涼與誰語白鳥煙中來長歌下山去

胡祇通

題思聖堂

汶上魯中都哲人宰茲邑石刻思聖堂後人知仰德汗